

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

03 Avril 2020

09 Shabaan 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Bane Signes d'Allah (Pt.4)

PANDÉMIE CORONAVIRUS /COVID-19



En tant ki Messenger de Dieu, et Revivificateur de la Foi dans sa siècle là, Allah fine envoye plusieurs signes en faveur de mo véracité, pareil couma dans siècle passé ti ena plusieurs signes ti manifester, y compris le signe de la peste comme ene signe en faveur du Messie Promis, Hazrat Mirza Ghulam Ahmad (as). Dans so livre « Nos Enseignements », Hazrat Mirza Ghulam Ahmad (as) fine écrire :

« Aucaine calamité pas frapper si pas ena ene l'ordre ki vine du ciel, et aucaine calamité pas capave être éloigné, si la miséricorde pas dessane du ciel. »

Concernant pandémie Coronavirus, sa c'est ene avertissement sérieux de la part d'Allah, ene admonition [avertissement/ warning] à bane ki persister dans l'hostilité, car Allah fine bien marqué par péché, l'hostilité et l'indifférence de l'homme ki pé prévaloir partout et alors *Insha-Allah*, c'est par la prière ki Coronavirus pou capave être débarrassé.

Par la grâce d'Allah, mo fine gagne ene révélation juste après Salaat-UI-Zohr Mardi le **24 Mars 2020** et mo fine reste assize lors *Musallah* et mo fine faire beaucoup *duahs*, concernant sa virus mortel là. Mo fine gagne sa révélation là:-

« Pandémie Coronavirus/ Covid-19 pas pou disparaître à moins ki le péché et la transgression pas disparaite avant. Le soleil brillant assombri à cause bane péchés. La terre fine lance sa pandémie là pour effrayer et avertir. » (Sa c'est la révélation).

Pandémie de Coronavirus/ Covid-19 démontrer ene grand signe. Pas prend sa à la légère et pas tourne le dos avec le Signe d'Allah. Oui! Bizin écoute et obéir le consigne de bane autorités et pou prend beaucoup de précautions pour pas contaminé par sa Coronavirus là. Mais saki Allah fine décrété, personne pas pou capave renverse sa décret là. C'est Allah Qui Le Tout-Puissant ; c'est pas bane créatures ki ena le pouvoir pou faire saki zot envie.

Donc, pas fine interdit zot pou gagne recours à bane médicaments ou autres moyen **préventifs** [pareil couma l'Islam fine tous les temps enseigne nous], mais li défanne pou zot pou compte lors sa bane z'affaires là entièrement. Parski à la fin, saki Allah fine décider, c'est sa même ki pou arriver. Si quelqu'un capave cultive sa dans li, eh bien li bizin ena confiance dans Allah, parski gagne confiance dans Allah c'est sa même le gage [la garantie] ki plus sûr.

Couma zot conner, ena ene confinement total dans beaucoup pays à travers le monde. Bane bureaux, bane l'écoles (pré-primaire, primaire, secondaire, l'université, bane institutions vocationnelles etc.), bane commerces – bane bazars et bane supermarchés etc., – fermés [sauf sous bane conditions rigoureux à partir hier le 02 Avril 2020, surtout ici à Maurice] et zot tout bizin reste la caze, pour pas gagne contact avec bane les autres dimoune couma nous-mêmes.

Fer attention pou pas gagne contacte avec bane les autres créatures. Si sa dimoune là li contaminé, zot risquer être contaminé zot aussi. Donc, tourne zot vers le Créateur. Li pou profitable pou zot si zot gagne bane contacte avec Allah (le Créateur de l'univers). Sa virus mortel là pas capave attaque zot kan zot en contact avec le Créateur de l'univers. Allah pou faire sa coronavirus mortel là vine impuissant et prend la porte de sortie le plus vite possible. *Insha-Allah.*

Bien ki l'homme pas capave faire sa pandémie Covid-19 là disparaître par so bane zefforts et par la force et ki li péna le pouvoir pou repousse ene tel l'ennemi, mais toutefois Allah (tw) fine révèle moi pou transmettre sa message divine là à toute l'humanité. Voici saki Allah fine dire.

Allah dire: « **Lamente-toi et plaindre auprès de Moi à cause de sa l'ennemi là; parski pou fer li aller, sa li pas pou possible excepter par Mo Puissance Absolu. Sa c'est Mo la loi, Ô Mo serviteur!**

Bien ki to impuissant devant so hostilité, faire kan même bane zefforts et pas réconcilier avec li. Reste toujours en guerre contre li et, autant ki to capave, lutte contre so hostilité et implore zis Mo secours, Moi Bondié [Allah], avec supplications et humilité. Kan to demande Mo l'aide, au fond de to l'âme et d'ene léccœur sincère, Mo envoie Mo puissance vers to la mains et Mo rende to la main fort et dominateur contre li, afin ki to coupe la tête de sa l'ennemi là avec Mo la force et par l'épée de la sincérité. Donc, en vérité, c'est pas toi ki touye li, c'est Moi ki touye li.

To pou capave dire: 'Ô mo Rab! C'est pas moi ki fine faire sa. Depuis kot sa mo pou capave gagne ene telle la force et sa puissance là, pour affronte ene tel l'ennemi? Alors ki moi, mo bien faible et plus faible ki ene la paille, couma mo pou capave arrache ene telle montagne, et écrase li couma bane cailloux et jette sa dans di vent couma la poussière et la terre?' »

Allah (tw) dire: « **Kan Mo la force attacher à ene la paille, bane montagnes devant li zot vine moïnse ki ene atome. Mais puisque toi, dans sa impuissance et sa faiblesse là, to fine témoigne Moi to fidélité et, kan to fine prend Moi comme appui [support], to fine affronte ene tel l'ennemi, et fine considère Moi comme Présent, Voyant et Dominateur, pour sa raison là, Mo fine transforme to**

faiblesse en force. Mo fine accepter tout de toi et Mo redevable envers toi. Mais en vérité c'est Moi Qui fine fer tout.

Donc, Mo accorde Mo la force à Mo bane serviteurs et Mo guide zot, afin ki grâce à Mo bane dons et à Mo direction, zot repousse l'ennemi. Et Mo accepter sa de zot, Mo redevable envers zot, et c'est à zot ki Mo attribuer sa. En revanche, Mo pou donne zot bane récompenses et bane bienfaits innombrables, sans limites, et Mo pou célébrer [Mo pou faire] zot louanges et faire zot bane compliments avec mille la langues, et Mo faire serment lors zot noms. Et sak miséricorde ki Mo pou répanne lors bane créatures, li pou par amour pour zot. Et sak colère ki Mo montrer, et sak la peine ki Mo infliger à bane rebelles, c'est pour venge Mo bane bons serviteurs. Rendre zot service, c'est rendre Moi service.

Celui ki fine trouve zot fine trouve Moi. Et celui ki attaque zot, c'est à Moi ki li attaquer. Celui ki choisir zot, c'est Moi ki li choisir. Zot l'amitié pour zot c'est l'amitié pour Moi. L'hostilité envers zot c'est l'hostilité envers Moi. Celui ki trouve toi fine trouve Moi. Celui ki attaque toi, c'est Moi ki li attaqué. Et Mo pardonner et faire miséricorde zis pour contente zot et donne zot satisfaction. Et à quiconque Mo témoigne Mo colère dans l'enfer et à ki Mo cause de la peine, c'est à cause la peine et la souffrance ki Mo bane serviteurs fine bizin subir à cause zot. Car c'est Moi Allah, Mo sans opposé et sans pareil. Mo fine crée bane serviteurs et fine permette zot pou vine vers Moi, afin ki zot vine le miroir de Mo l'existence. Pas capave décrire bane liens ki exister entre zot, parski là pas capave ena aucaine séparation ki pou faire ki ti ena ene parmi zot ki ti opposé et hostile à Moi. Celui ki oppose et montrer l'hostilité envers zot pé agresse [attaque] Moi.

Quiconque oulé vine ene compagnon de Dieu et cause avec Li bizin fréquente ene Messenger de Dieu. Celui ki désire être en compagnie de Dieu bizin trouve li dans la compagnie d'ene messenger de Dieu. »

Donc, concernant « l'ennemi », le virus mortel, Allah (tw) fine révélé au commencement de sa siècle là, l'avertissement ti donné des z'années en avant, bien longtemps avant ki la science médicale ti capable [en mesure] de prédire so l'apparition dans bane pays.

En parlant lors sa sujet de coronavirus là, *Alhamdoulillah*, hier le 02 Avril 2020, heure locale (Maurice), le matin, mo message à l'humanité lors sa virus mortel là ki daté de 31 Mars 2020 fine lancé officiellement lors nous chaîne « *Sahih al Islam* », et sa même jour là, fine ena 7 morts et 161 cas positifs de COVID-19 à l'île Maurice. Li surprenant ki sa bane chiffres là, sa même jour là, forme mo date de naissance : 7/1/61. Sa c'est pas ene révélation ki mo fine gagne, mais ene réflexion. Pas tous zaffaire ki mette lors compte révélation. Si ena révélation, mo pou dire zot, sa révélation, mais si ene kitchose pas révélation, alors. Li pas ene révélation. Sa li matière à réflexion. Le soir, le nombre de cas positif fine augmenté pour arrive ziska 169. Et le nombre pé continuer augmenter, et même au niveau mondiale, kot fine fini dépasse ene million, et fine faire plisse ki cinquante-trois milles (53,000) décès.

Vers 5.20 p.m. le 24 Mars 2020, mo fine recevoir ene l'autre révélation au sujet d'ene grand tremblement de terre [*Et la révélation ki mo fine ensuite recevoir le matin du 27 Mars 2020 et ki mo fine mentionné dans mo Khutba Jummah passé confirme sa*]. Le tremblement de terre pou apporte la destruction de bane dimounes, bane villages, bane champs, et pou affecter durement bane voyageurs. Ene dimoune ki fine surpris nu pas pou gagne le temps pou habiller. Bane bateaux ki transporte bane voyageurs pou forcé pou change zot la routes pour échapper à bane dangers. Pou ena bane enfoncements dans la terre un peu partout. Bane la rivières di sang pou colorier de l'eau bane la rivières.

Le monde entier pou enveloppé tout comme pour « *Coronavirus - Covid-19* ». Tous bane dimounes, grands et petits, et tous bane Gouvernements pou subir so bane l'effets.

Mo comprend ki sa bane révélations là indique ene calamité mondiale, ene combustion et carnage [désordre] ki pou enveloppe beaucoup de bane pays et de bane nations du monde. C'est vrai ki bane révélations pé cause apparemment d'ene tremblement de terre, mais li vine clair ki sa calamité ki ressembler à ene tremblement de terre là pou bizin engloutir le monde entier, ce ki évidemment veut dire quelque chose de plus ki ene tremblement de terre. Bane tremblements de terre zot locale et non mondiale. Sa calamité là pou vine mondiale.

Sa pou dur pour bane voyageurs, ene éventualité ki pas pou ena connexion avec la guerre mais avec sa tremblement de terre là. Le temps pou dur pour bane voyageurs. Bane la routes normales lors la mer et la terre pou dangéré.

Alors, celui ki tenir li à l'écart du **JAMAAT UL SAHIH AL ISLAM** li pas de nous. Ki zot riches ou pauvres, rappel-zot, nous pas pou amène nannié avec nous kan nous pou quitte ici – sa la terre là – pou alle dans Aakhérat. Nous pou prend zis nous la foi et nous bane bons actions. Écoute donc l'appel d'Allah, afin ki Allah accepter zot.

En plisse de sa, le 29 mars 2020 alors ki mo ti pé travaille dans mo bureau (bane travaux Deen), bane zoli paroles fine vine lors mo la langue vers 5.12p.m. Au commencement mo fine gagne chaud et mo pas ti conner ki pé arrive moi. Mo fine allume ventilateur et après quelques minutes, sa bane mots là fine vini comme si la pluie pé tombe lors moi. *Alhamdulillah.*

RÉVÉLATIONS

Si nous ingrat, pécheur, irresponsable, insouciant si nous gagne ene punition sévère, bane tourments de la **NATURE** ou d'Allah, alors astaire nous pas pou capave plainner ou faire bane problèmes à cause ki nous pas ti conner.

Prend note ki nous fine servi le mot **NATURE** pour bane dimounes ki pas croire dans Allah. Bane dimounes ki croyants bizin rappelle ki tout saki passer dans tout l'univers relève de la permission et du commandement d'Allah.

Nous fine alle Sināï et Hira pour bane raisons très personnelles et nous pas ti conner ki sa genre de nouvelles sérieux là pou vini [pou sorti de là]. En tant ki serviteur sincère d'Allah, li nous devoir pou transmette le message de manière très détaillée, nous fine donc transmette li.

[Nous] Cher Dieu Li nous témoin, nous fine faire de nous mieux sans enfreindre aucaine la loi et l'ordre et sans créer désordre. Mais nous toujours prier et nous demande humblement à nous cher Allah: « **Sauve-nous (toute l'humanité) de la punition et donne-nous ene chance pou être bons et pou être bane meilleurs dimounes**». *Ameen, Summa Ameen.*

L'histoire de Prophète Nuh (as) et Lut (as) dire nous ki la situation li bien critique avec bane messages en direct ki confirmer ki quelque chose de très grave pou arriver. Pour évite sa, nous bizin faire kitchose d'incroyable et de miraculeux et passe sous le compte à rebours de la protection [c'est-à-dire, la protection divine].

Tous bane kitchoses ki pé produire zot chronométré et conçu et programmé. De point de vue de la science de la technologie, sa li plus compréhensible, mais seulement avec nous l'espoir et nous action et nous positivité, et avec la prière ki planifiée, tout capave changé ou retardé par rapport au monde spirituel (bane les ciels).

Allah fine envoie sa humble dimoune/ serviteur là (So Khalifatullah) pour établir et travaille seulement pour la paix lors la terre, avec l'amour pour tous, la haine pour personne. Pour éduque sak dimoune lors sa la terre là et nous bane générations. Pour sauve la Terre et établir la fraternité avec la paix et l'amour. C'est ene travail énorme. En effet, le plus grand travail de sa l'époque. **Ô Allah, aide To Élu, sa humble dimoune/ serviteur [ki présent devant Toi] là. [Ameen.]**

Ô mo cher l'humanité, écouter! Zot ena ene Dieu ki content zot, si tant ki Li capave résoudre tous zot bane problèmes et guéri zot de toutes sortes de faiblesses et de maladies. Eski zot pas pou content Li donc, eski zot pas pou prier Li tousel et obéir Li ?

Donc, tous sa bane révélations là confirme les z'uns les autres. Zot couma ene la chaîne informations de la part d'Allah [de Dieu] pour guide So serviteur choisi et l'humanité lors la marche à suivre pour vaincre l'ennemi dans tous so bane formes. Sa l'ennemi là capave même ene virus ou ene dimoune ou ene l'esprit satanique, etc. Et Allah fine donne nous so remède dans la prière, et en suivant avec précaution et sincérité So bane commandements ki Li fine établir dans Quran et en suivant la Sunnah de nous bien-aimé prophète Muhammad (saws).

Sans l'aide puissant d'Allah, nous impuissants, mais avec So l'aide et So réconfort, nous vine fort spirituellement, et en appliquant bane mesures préventives soutenues par Allah dans Quran et dans Sunnah et en étant ene bon citoyen de nous bane pays respectif, et nous honore sa bane la lois et règlements là, pour nous propre bien, alors armé avec nous confiance en Allah et nous bane la prières

et en étant bane musulmans et bane citoyens modèles, nous pou rehausse la valeur et la dignité de l'islam kot sa-sa nous pou été. Bane non-croyants pou forcé pou admettre bane mérites de l'islam lors le sujet de l'hygiène, bane remèdes prophétiques, et même le port du voile [*Hijab* et *Niqab*]. Avant sa zot fine bien critique sa et zot fine établir bane interdiction concernant mette *Hijab* et *Niqab* et *Burqa* dans so l'ensemble, et voilà ki le monde trouve li ene sel coup dans l'extrême besoin pou porte bane masques, et pou protège entier so lécorps kot sa li équivalent au port du voile – complet (ki couvert aussi le nez et la bouche), et grand robe (ki bane filles et madames metté). Quel Ironie et quel tristesse aussi, kot sa tristesse là dépasse même sa l'ironie là ! Sa en effet c'est ene leçon pour l'humanité. Zot ti pé rode piétine la dignité et l'identité musulmane, et voilà zot pé bizin bane recours islamique même pou sauvegarde l'humanité.

Mo fer *duahs* ki l'humanité réveille li de so longue sommeil et abandonne so bane vices pour tenir ferme la corde du Dieu Unique, sans donne Li bane associés.

En parlant de bane *duahs* et mesures préventives, ena ene nous membre du Jamaat Ul Sahih Al Islam à Maurice ki fine faire ene rêve hier (le 02 Avril 2020) kot là-dans pé donne instructions pou récite certains Surahs spécifique du Quran. Ti ena ene douzaine à quinzaine Surahs ki ti fine mentionner, et sa membre là ti pé réciter, et kot kot li ti pé oublier laquelle Surah bizin réciter, alors ti pé ré-dire li et alors li ti pé énumère li lors so lédoigts. Parmi bane Surahs là, ti ena récitation de Surah Al-Fatiha 7 fois, Surah Al-Lahab, Surah Al-Fil, Surah Al-Nasr, Surah Al-Asr, et parmi aussi ti ena les quatre « Qoul » - Al-Kafiroon, Al-Ikhlaas, Al-Falaq & An-Nas.

Allah pé attire nous l'attention ki Li pé bizin nous l'attention, ki nous tourne vers Li. Alors nous bizin donne Li tout nous l'attention. Nous bizin adore Li avec sincérité du cœur et pas abandonne Li kan Li pou sauve nous de sa bane calamités là. Anou remercier Li, même dans la peine, et nous bizin prend patience. Bane jours de contentements pas loin si nous tous nous retourne à Allah avec ene le cœur pur et sain. *Insha-Allah, Ameen.*